

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 23 (1932)

Rubrik: Rapport dell'academia romontscha "Il Curtin" a Mustér (1930/31)

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 26.11.2024

ETH-Bibliothek Zürich, E-Periodica, <https://www.e-periodica.ch>

Rapport dell' academia romontscha „Il Curtin“ a Mustér (1930/31)

«Las stads serepetan, ils onns fugitivs
En prescha van tras la vailada.
El best dellas plontas cun rins successivs
Semuossa carschientscha tschentada.»
Fl. Camathias.

In decenni ei vargaus dapi ch' enzacons premurai students romontschs han rut ina frastga giud il vegl Ischi per plantar ina fadetgna de quel el fritgeivel terren claustral. L' enfiarla ha tschaffau ragischs e demuossa oz daveras carschientscha tschentada. Mintgamai igl atun retuornan ils vegls e vegnan novs students romontschs a Mustér; se regurdond dils plaids de nies protectur «da tuts lungatgs, che ti tegns car, surtut romontsch dueis carezar», sesprovan els de cuschentar lur encarschadetgna per il lungatg della mumma entras cultivar quel cun premura ed affecziun. Il «Curtin» ha giu uonn 25 diligents hortulans. Duront igl emprem quartal era il presidi els mauns de Gieri Schmid de Grüneck, el secund en quels de Fidel Camathias. Ils commembers seradunavan mintgajamna ina ga. Bia bialas lavurs en prosa e poesia ein vegnidas presentadas en talas occasiuns. Jeu exprimel in tut special engraziament a nies car protectur, rev. sgr. P. Maurus che assista a nosas sessiuns. «Van er rubaglias dal frunt vi, ein grischs er ils cavels vegni», el ei restaus giuvens e

capéscha d'animar nus per nossa cara faviala. Rev. sgr. P. Baseli Berther ha giu la buontad de metter a nossa disposiziun sia biala e custeivla biblioteca; sgr. Dr. Condrau ha tarmess gratuitamein la Gasetta romontscha e sgr. Dr. R. Vieli biars e bials cudischs, che han fatg a nus grond plascher. Era ad els, sco a tuts ils auters benefactors de nies «Curtin», ditgel jeu in cordial e sincer Dieus paghi!

Per l'academia romontscha «Il Curtin»

Fidel Camathias, stud.

Rapport dell'academia romontscha „Il Curtin“ a Mustér (1931/32)

Tgei prestan e lavuran ils giuvens hortulans dil «Curtin» si Mustér? Arda en lur cor aunc adina la medema carezia ed il medem entusiassem per il niebel lungatg romontsch sco pli baul? Aschia pon forse era nos vegls commembers dell'academia patertgar. A tuts dubitonts savein nus rispunder francamein: gie ei regia aunc il medem ardimment e spert patriotic el «Curtin» a Mustér.

Repassond ils protocols digl onn vargau, vesein nus ch'igl ei veramein vegniu luvrau. Sut il capavel presidi de Fidel Camathias e Giusep Blumenthal han ils hortulans rimnau bials scazis per lur lungatg ed undrau cheutras il vierv matern. Las sessiuns ein vegnidas tenidas sco usitau regularme in a ga ad jamna. Ils commembers dil «Curtin» han legrau in l'auter cun fetg interes-